



XX




14

DISSERTATIO INAUGVRALIS MEDICA  
SISTENS  
THEORIAM AC THERAPIAM  
PLICAE POLONICAE

---

QVAM  
SVMMI NVMINIS AVSPICIIS,  
IVSSV ET AVCTORITATE  
GRATIOSAE FACVLTATIS MEDICAE  
IN ACADEMIA REGIA FRIDERICIANA,  
SPECIMINIS LOCO,  
PRO GRADV DOCTORIS  
SVMMISQVE IN MEDICINA HONORIBVS ET PRIVILEGIIS  
DOCTORALIBVS RITE IMPETRANDIS,  
D. XIV. AVGVST. MDCCLVIII.  
ERVDITORVM CENSVRÆ EXHIBVIT

AVCTOR  
ABRAHAM MEYR  
POLONO-BRODENSIS,  
GENTE IVDAEVS.

  
HALÆ MAGDEBVRGICAE,  
EX TYPOGRAPHIA VESTERIANA.



DISSERTATIO INVALENTIIS MEDICAE  
SISTENS  
THEORIAM AC THERAPIAM  
PILICAE POLONICAE

---

AVTOR  
SUMMI INVALENTIIS AVSPICIIS  
LVSIV ET AVCTORITATE  
GRATIOSAE FACULTATIS MEDICAE  
IN ACADEMIA REGIA FRIDERICIANA  
SPECIMINIS LOCO

PRO GRADU DOCTORIS

AVTORIS

DOCTORALIBUS RITE IMPETRANDIS

D. XIV. AVGVST. MDCCCLVIII.

ERUDITORVM CENSURAE EXHIBIT

AVCTOR

ABRAHAM MEYER

PHYSICVS

GENITVS IVDAEVS

HAER. MAGDEBVRGICAE  
EX TYPOGRAPHIA VESTERIANAE







## PROOEMIUM.



Duo sunt praecipue momenta, quorum rationem habere solent, qui, obtinendorum honorum academicorum causa, Dissertationes conscribunt; alterum scilicet, ut materiam proponant utilem; alterum, ne tractent argumentum adeo excussum. Eiusdem quoque conditionis esse puto argumentum, cuius nunc pertractationem suscepi, quum sit morbus equidem non tam in Germania, quam potius in Patria mea, sat frequens.

A 2

Quod



Quod alterum momentum attinet, etiam spero forsitan eidem me satisfecisse, quum in iis, quae huc vsque de hoc morbo per-lustrare potui, scriptis, non dum omnes & singulas eius causas & rationes suffi-cienter expositas deprehenderim. Faxit ergo supremum Numen, vt qualescunque hi labores ex voto succedant.

## §. I.

**A**ntequam ad pilorum statum praeternaturalem, sive illorum morbos, progrediar, paucissimis saltem illorum statum naturalem prius attingam.

## §. II.

Definiri vero commode pili ita possunt, quod sint partes corporis nostri solidae, tenues, flexi-les, varii coloris, supra cuticulam hinc inde in va-riam longitudinem extensae.

## §. III.

Bulbi pilorum capitis aliorumque longiorum, sub cute, & fere in membrana adiposa, suam se-dem habent. Constat autem quilibet bulbus quasi ex capsula quadam, quae ex fibris nerveis & te-nerrimis vasculis contexta est, vnicaque gaudet apertura, cum ductibus glandularum sebacearum, quae glutinosam & sebaceam fundunt materiam, qua pili simul irrorantur.

## §. IV.



§. IV.

Incrementum pilorum idem est, vti in vnguibus; cum enim pili nec sentiant, nec, si dissecentur, fluidum fundant, vti que hinc tam nervi, quam vasa nutrientia ipsis sunt deneganda. Crescunt igitur, quia prope radices novae semper adponuntur partes, a quibus priores protruduntur, pinguedo quoque ex adhæsione pro nutritione penetrare videtur. Grandescunt porro pili robore, si saepius rescantur, id quod ita concipi potest: Pars pilorum anteriorum, quamquam vasa & nervi ipsi desint, est tamen pellucida (testantibus microscopiis,) ac fibrosa, hinc porosa; absorbet igitur humiditatem a nutritione infimarum particularum suarum residuam, vti spongia aquam, & per suos poros in aërem dimittit, vnde pili etiam perspirant <sup>a)</sup>; pilus enim quo longior est, eo magis perspirat, & tanto copiosius humidum ex infimis nutrientibus absorbet partibus; vasa ergo nutrientia haud expanduntur. Resciso autem pilo tantum humidi non consumitur, quantum radices absorbent, ergo distenduntur vasa infima nutrientia, & in poros fibrarum expansos partes plures penetrant; quapropter pilus crassior fit ac robustior.

§. V.

Non sum equidem nescius, quod meum nunc esset, morbi, quem pertractandum suscepi, definitionem statim tradere; at, cum observationes &

A 3

in-

<sup>a)</sup> HAMBERGER in *Physiolog.* 5. 504. n. 3.





tegra tractatio eadem nitatur, illas prius praemit-  
tere, atque hanc dein demum subiungere lubet.

### OBSERVATIO I.

**U**xor Kobialae, rustici cuiusdam, viginti annorum,  
per totum tempus vix vllum morbum experta, ro-  
busta ac sana, sine manifesta caussa tandem dolore  
lancinante capitis & artuum torquebatur, postea  
in faucibus ac naribus oriebantur vlcuscula sordida,  
manus vero & pedes occupabant nodi ac tubercu-  
la, passim dispersa. Implorabat haec prius auxilium  
balneatoris huius loci, qui remediis mercurialibus, tam  
internis, quam externis, malum hocce extirpare co-  
nabatur, sed frustra ac male: paucos enim intra dies  
non tantum ossa narium squamosa, sed etiam uvu-  
la corruptione putredinosa afficiebantur, omniaque  
reliqua symptomata in dies magis magisque ingraue-  
scebant, vnde, peiora adhuc metuens, Dn. D. STA-  
BELII *b)* auxilium implorabat, qui, indagatis omni-  
bus circumstantiis, nullum inquinamenti venerei  
suscepti deprehendebat vestigium. Quoniam vero  
matre olim Plica laborante erat nata, singulisque  
fere noctibus ex capite sudor manabat viscidus,  
phantasia quodammodo turbabatur, & vngues ap-  
parebant scabri; hinc sequentem adhibuit meden-  
di methodum. Primo ordinavit sequens decoctum  
incidens & laxans, singulis diebus ad dimidiam un-  
ciam

*b)* Vid. eiusd. Dissert. exhibens *singulares Observationes de Pli-  
ca Polonica.* Hal. 1724.



ciam fumendum: Rec. Raf. L. Guaiac. vnc. ij. Lign. Sassafr. vnc. j. & dimid. Hermodactyl. vnc. ij. Infusa per noctem cum s. q. aquae font. leni exponantur digestioni, postea addantur fol. Senn. sin. stip. vnc. ij. leniterque decoquantur, cum quo vespertinis horis quotidie drachmam dimid. Magnesiae albae fumebat, subiungendo dein vsum sequentis pulueris: Rec. Sulph. antimon. fixi gr. ix. Regul. antimon. medicinal. gr. vj. Cinnab. nat. gr. viij. Externe caput frequenter lauari iussit cum Decocto herbae Lycopod. quo facto non solum sese explicauit atque in fat largam magnitudinem crevit Plica, sed etiam vlcuscula disparuerunt, ac reliqua tandem symptomata plane cessarunt, ita vt per plures annos iam bona gaudeat valetudine.

## OBSERVATIO II.

**F**oemina quadraginta annorum, magnam spissorum humorum in corpore copiam fouens, prius quidem in melancholiam incidebat gravem, quae vero postea mutabatur in maniam. Exhibita eidem fuerunt, praemissa larga V. Sne, varia antimonialia & vterina, aucto tamen magis, quam imminuto, furore vnicum cum reliquis symptomatibus. Tandem suspicio oriebatur de suscepto inquinamento Plicam concituro, vnde antea nominato Decocto caput frequenter lavabatur, quo facto non ita diu post Plica prodibat, & furor iste cum reliquis symptomatibus tandem plenarie cessabat.

OB-



## OBSERVATIO : III.

**T**andem etiam ego ipse morbum hunc obseruavi in viro quodam Polono, qui Bialae habitabat. Pharmacopoeus nempe huius loci, sanus ceteroquin, ac sobrie viuens, praxin medicam passim in Polonia exercens, in cubiculis Plica laborantium incaute dormiens, inquinamento inficiebatur, vnde Plica statim in capite sese explicauit, nulla vero manifesta percepit incommoda. Interim tamen, ob deformitatem, Plicam istam statim abscindebat, variaque simul purgantia & alia sanguinem mundificantia in vsum vocabat medicamenta; sed non ita multo post doloribus capitis & artuum adfligebatur grauissimis, in manibus ac pedibus tubercula, in reliqua vero corporis externa superficie vlcuscula oriebantur fatis molesta. Deficiebat nutritio, viresque consumebantur. Tandem ossa etiam arrodentur ac fragilia euadebant, vnde, cum aliquando surgeret, ossa tibiae ac fibulae oblique frangebantur, ita vt vna extremitas supra alteram emineret, & alio tempore, dum cum manibus operam quandam leuem suscipere tentabat, os scapulae magno cum strepitu dissiliebat. Varia quidem adhibuit auxilia, medica aequae ac chirurgica, sed omnia frustra, donec tandem mors calamitati huic finem imponeret.

## §. VI.

Triplex quidem huius implicationis crinium a quibusdam Auctoribus constituitur differentia, fatis tamen ridicula & nullius vsus, a modo complicatio-



cationis diverso potissimum desumpta, cuius respectu alia *mas* nuncupatur, *foemina* alia, & alia *filia*. *Plica mas* dicitur illa, in qua capilli & pili spicarum aut clauorum instar complicantur, estque maribus potissimum familiaris; quando autem capilli omnes in vnam massam coeunt, in modum caudae equinae, tunc *foemina* vocatur. At hanc differentiam complicationis nos non sequimur, quoniam, quocunque tandem modo eueniat capillorum contorsio, nil tamen aliud quidpiam denotat, quam ordinarium illum Plicae effectum.

§. VII.

Synonyma huius morbi sunt varia, quorum deriuatio magna ex parte a superstitiosis opinionibus desumitur. Praestat vero rem ipsam genuino vocabulo insignire, atque id, quod cum eadem consentit, potius assumere. Idcirco etiam vnicum hoc nomen omnibus aliis praeferimus, quando a Germanis affectus ille grauis *der Weichsel-Zopf* nominatur, siquidem sic aliquo modo res cum ipsa causa conuenit, cum inprimis origo huius mali ab aquis fluminis Vistulae, Germanis *die Weichsel* dictae, deriuari soleat.

§. VIII.

Polonis ordinaire *Guodzdiec*, quod *clavum*, Roxolanis autem *Koleun*, quod *paxillum* significat, dicitur, eo quod crines conuoluti e capite propendeant instar paxilli, qui *Kolek* appellatur. Mulieres Polonorum honestiori hunc affectum insigniunt vocabulo, dum illum *Gofciec* & *Gofc* vocant, quasi

B

dixeris



dixeris *hospitale*, vel *hospitem*, quod nimirum quasi hospes in Poloniam e Roxolania venerit.

## §. IX.

Ex praemissis obseruationibus, & rationibus denominationis huius mali, commode iam eruere licebit praedicata essentialia, quae Plicae Polonicae competunt. Est igitur illa magnitudo capillorum aucta, cum viscosa illorum conglutinatione & intricatione, variisque vel antecedentibus, vel, rescissa eadem, subsequens symptomatibus coniuncta.

## SCHOLIUM.

Quod in Plica Polonica magnitudo pilorum adfit, euidenter ex Obseruatione I. apparet, & quod cum symptomatibus antecedentibus sit coniuncta, ex eadem Obseruatione constat, quodque tandem, rescissa Plica, multa symptomata subsequantur, ex Obseruatione III. apparet.

## §. X.

Antequam ad causas, immediatam, mediatas, proximiores remotioresque, progrediar, prius *dieta* Polonorum paucissimis attingam, ex qua statim causae mediae remotiores cognosci poterunt. Quod *aërem* attinet, hic praesertim in Lithuania Pokutia est crassus, frigidus, multis noxiis exhalationibus repletus, quoniam admodum paludosa est ista regio. *Cibus* incolarum est crassus, viscidus, fumo induratus, praesertim acidus, dum nempe in hac regione ex foliis betae rubrae, cum aqua prius fermentatis, singulare parant iusculum



culum acidum, quod in hac regione ita quotidie in  
vsum trahitur, vti infusum Thee, aut fabarum Cof-  
fée, in Germania. *Porulenta* ordinaria, praesertim  
inter rusticos & pauperes, sunt acida, quae etiam  
ex fermento panis, cum aqua, parant. Spirituo-  
sis inprimis sunt adsueti, vtpote quibus maxime  
omnes Poloni delectantur. Non minus quoque  
huc referendi veniunt quamplurimi pravae indolis  
fontes, fluuiique montium Hungariae varii, qui  
quippe copiosas crassas terreas & limosas partes  
secum vehunt, vti rerum Polonicarum scriptores  
testantur, speciatim vero clariss. SOLSKY, in *Geo-  
metria & Architectonica Poloniae*. Ratione *excreto-  
rum & retentorum* inprimis ad transpirationem hic  
respiciendum est, vtpote quae saepissime apud Po-  
lonos supprimitur, dum vestibus & pileolis pelli-  
ceis sunt induti & tecti, vnde sub qualicumque  
corporis motu, praecipue laborioso, facile copio-  
si proliciuntur sudores, quos dein, caput & pe-  
ctus denudando, saepe admodum repente cohibent  
& retroagunt.

§. XI.

His praemissis nunc ad *causam immediatam* hu-  
ius mali progredimur, quae in mala constitutione  
& nutritione viscosaque intricacione pilorum po-  
tissimum consistit.

§. XII.

*Causam mediatam proximior* constituit spissi-  
tudo humorum cum acrimonia acida coniuncta.  
Prioris vitii praesentia patet partim ex Obserua-  
tione



tione II. ipsaque Polonorum diaeta, sub qua imprimis spirituosâ potulenta admodum largiter ingurgitantur; partim quoque ex curatione Dn. D. STABELII, qui efficaciora resolutentia remedia optimo cum successu in usum vocauit. Quod vero etiam acrimonia simul coniuncta sit, satis manifesto patere arbitror ex doloribus gravissimis capitis & artuum, qui Plicae eruptionem, iuxta Obseruat. I. & II. antecedunt, & omnino grauem quandam irritationem partium sensibilibus membranacearum arguunt; itemque ex nimia fragilitate & erosione ossium in Obseruat. III. notata. Hanc autem acrimoniam *acidæ* potissimum indolis esse, facili negotio partim a priori, partim a posteriori euinci & demonstrari poterit. A priori id patet, dum omnis acrimonia a salium in fluidis praesente maiore copia dependet, & ipsa haec salia, iuxta chymica principia, aut *acida*, aut *alcalica*, aut *mediae indolis* sunt. Iam vero *alcalica* esse non possunt, dum, si alcali in massa sanguinea magis abundat, febres communiter putridae, malignae, aliaeque acutae oriuntur, vti in Dissertat. de *Fluidorum acrimonia* celeberr. Consil. aulic. NICOLAI, Praeceptor meus ad cineres vsque deuenerandus, egregie docuit. *Mediae* autem *indolis salia* hanc producere non possunt acrimoniam, dum ex vnione salium simplicium acidorum & alcalicorum oriuntur, adeoque minorem omnino gradum acrimoniae possident, quam ille est, qui in hocce morbo notatur. Proinde etiam omnia salia eo maiorem exercere possunt



possunt vim & actiuitatem; quo minores & sub-  
tiores sunt illorum partes. Iam autem salia media  
sunt composita, adeoque partes eadem constitu-  
entes magnitudine superant partes salium simplici-  
um, hinc minus actiuae, & ad grauiam huius morbi  
symptomata producenda minus etiam aptae sunt.  
Sola ergo supersunt acida salia, quae idcirco vni-  
ce symptomatum istorum materialem constituere  
possunt causam, quorumque praesentiam in Polo-  
norum massa sanguinea tanto magis euincit diaeta  
illorum acida, superius iam (§. X.) notata.

§. XIII.

His ita praemissis, phaenomena sequentia  
nunc facile explicari possunt: 1) Cur ad caput  
materia morbosa, & non ad alias corporis nostri  
partes deferatur. 2) Cur complicatio pilorum se-  
quatur. Quod ad primum attinet, speciatim con-  
siderandum erit, in quali statu caput Polonorum  
conseruetur. Maiore semper illud fouetur calore,  
dum pileolis pelliceis tectum est, adeoque integu-  
menta eius, ob continuam inde euenientem rela-  
xationem, non solum magis debilitantur, sed et-  
iam, ob auctiorem transpirationem, continuo hume-  
stantur, ad quam etiam copiosus potulentorum spi-  
rituosorum vsus multum omnino contribuit, prout  
hoc olim b. Parens meus, in Dissertat. de *Potulentorum  
spirituosorum noxa atque utilitate*, in Regia hac Fri-  
dericiana ann. MDCCXLIII. exarata, vberius exposuit.  
Pilorum autem intricatio, quae proximam Pli-  
cae Polonicae constituit causam, sequenti modo  
fieri



fieri potest. Constat iam, quod acrimonia, cum spissitudine coniuncta, hoc in morbo adfit (§. XI.); humores autem spissi, quamdiu stagnant, hinc inde varia symptomata concitant; ergo etiam in glandulis subcutaneis stagnant; fluida vero stagnantia, vel ante stagnationem spissa & acria fuerunt, vel post illam hancce pravam conditionem induunt (per principia pathologica). Qua de causa obstructio maior fit, & transpiratio in his locis supprimitur, imprimis vbi obstructio maior est, & simul vasa magis sunt constricta, vt illa idcirco non facile tolli possit. Proinde quoque hoc in casu glandulae calori magis sunt expositae, & integumenta capitis, vt ex antecedentibus patet, non parum iam sunt debilitata, vnde affluxui a tergo resistunt, qui idcirco ad locum debilitatum maior fit; hinc humores tandem diluuntur, demulcentur, & mediante affluxu maiori obstructiones partim vigore motuum, partim vsu externorum emollientium & discutientium referantur. Interim tamen partes antea obstructae adhuc manent debilitatae, vnde maior fit affluxus, & per consequens maior secretio materiae transpirabilis, ac in simul materiae nutritiae, incremento pilorum capitis destinatae, sub qua dein non solum pili longiores evadunt, sed etiam, ob copiosius transfundentem e ductibus glandularum sebacearum materiam viscidam & tenacem, conglutinantur, sicque successive vera tandem Plica formatur, ad cuius faciliorem & citiorem eruptionem multum etiam confert rarior



rior pectinis vsus, implicationem istam pilorum tanto magis accelerans & promovens. Quoniam vero praesente tandem Plica, non solum ob debilitatem partium & organorum secretoriorum, sed etiam ob maiorem pilorum elongationem, transpiratione & excretio materiae peccantis viscidae & acris magis augetur, abscissa autem illa insigniter turbatur & imminuitur; hinc ratio patet, cur, facta pilorum implicatione, symptomata praegressa multum a vehementia sua remittant, & e contrario grauissime semper exacerbentur, si improvide illa rescindatur.

§. XIV.

Diagnosis Plicae praesentis sola autopsia patet, dum implicatione & conglutinatione pilorum se se manifestat; futura autem difficilius indagatur, nisi dispositio haereditaria adfuerit, vel iam pili complicari incipiant.

§. XV.

Quamuis autem de reliquo malum hoc in genere, ob symptomatum concursum, perquam grave & molestum sit, criticum tamen quidpiam in eodem semper subesse, dum materia vitiosa hac ratione per vias plane singulares e corpore eliminatur, recte iam olim SENNERTVS indicauit. Nihil enim periculi adfert aegro Plica sibi relicta, & saepe sine omni noxa ad mortem vsque circumfertur; immo etiam quandoque aliqui, sponte decedente illa, penitus iterum conualescunt. E contrario autem experientia testatur, eos, qui, fastidio





dio deformitatis, capillitium deradunt, visu priuari, aliisque grauibus & maxime fonticis symptomatibus obnoxios reddi. Sicuti enim plurimorum morborum perfecta curatio in remotione & excretionem materiae vitiosae per corporis emunctoria consistit; sic quoque & huius curationem in eo versari nulli dubitamus. Hinc in principio, prodeunte iam Plica, dolores atque symptomata grauiora sopiuntur; contra vero ubi nouacula capilli derasi fuerunt & pori cutis ab aëre liberius accedente obstitantur, excretio per illos cessat, indeque grauissima symptomata, testante Obseruatione III. oboriuntur, immo quandoque etiam breui temporis interuallo mortem fuisse infecutam, a supra citato relatum & confirmatum habemus SENNERTO. De reliquo semper admodum chronicum & refractarium est hoc malum, omnibusque aetatibus commune, magis tamen iuuenili atque senili molestum. Aliquando etiam ipsius naturae beneficio illud abactum fuisse, experientia docuit, quando nimirum causae occasionales, proximam sustinentes, remouentur, viscidique & acres humores, per pilos exhalando, continuante vegeto humorum circulo vitali, eliminantur, vt tandem Plica sponte sua decidat, immunisque ab omni malo homo ad vitae vsque finem maneat.

## §. XVI.

Licet autem in genere hic affectus curationem vix admittere videatur, & plerumque generosis auxiliis, purgatione nimirum & venaesectione, testanti-





stantibus observationibus, magis exasperetur, ut merito de illo dici possit, quod HIPPOCRATES de Cancro occulto scripsit, melius nimirum esse, si non curetur, cum curati citius pereant; spes tamen omnis minime abiicienda est, quum experientia monstret, quod complures quoque talium aegrotantium, si causarum recta habeatur ratio, optatam feliciter recuperent valetudinem.

§. XVII.

Quin autem remedia meliorem exserant effectum, si prius canales alimentorum, praesertim si variae in iisdem collectae haereant cruditates, repurgati fuerint; hinc 1) mox in principio praemittatur lene purgans, ex rad. Jalappae cum Scammon. sulphurato paratum; dein 2) ad ipsam causam extirpandam progrediatur, taliaque exhibeantur remedia, quae viscidos humores resolvunt, & motum eorum restituunt, simulque acrimoniam acidam corrigunt, ac tandem transpirationem reddunt liberiores. In horum censum veniunt salia alcalica, tam fixa, quam volatilia, simplicia & oleosa, ut Spirit. salis ammoniac. C. C. Liqu. C. C. succinat. Spirit. bezoard. Buslii, sal volat. oleum Sylii, Liqu. nitri fixi, salia plantarum per incinerationem parata, omnesque herbae alcaliscentes, quae in varia forma varioque ordine, pro circumstantiarum ratione, ordinari possunt, interpositis simul pulueribus ex absorbentibus & Magnesia

C alba



alba paratis, quibus, si dolorum ferocia nimis urgeat, mitiora & secura simul iungantur anodyna. Porro quoque tempore vernali herbae antiscorbuticae, aut succus illarum cum sero lactis, itemque Elixiria visceralia ex similibus extractis parata, optime conueniunt. Pro potu ordinario seligatur vel aqua pura, addito pane tosto, vel decoctum tenue lignorum cum antimonio crudo in petia ligato, utpote quibus visceri humores optime diluuntur, attenuantur & resoluuntur, ut per consuetam emunctoria tanto facilius dein eliminari queant.

§. XVIII.

Externe varia quidem linimenta atque unguenta a practicis Auctoribus commendantur, quibus Plicam diversimode tractant & extirpare gestiunt; verum, si dicendum quod res est, videntur magis illa obesse quam prodesse, cum ex variis inviscantibus, praesertim pinguedinibus crassioribus, consent, ita ut, capiti illita, partim integumenta eius magis relaxando, partim poros cutis obstipando, grauius malum reddant, cum in libero transpirationis successu aegrorum salus consistat. Huc accedit, quod crinium intricatio tantum sit symptoma morbi, atque causae effectus; iam vero non tam symptomati, quam potius causae est occurrendum, cum cessante causa cesset effectus, ut non sit, cur de hoc pilorum vitio, sibi relicto, nimium sumus solliciti. Interim tamen sequens

CNOEF-





CNOEFFELII vnguentum in *Ephemerid. Nat. Curios. Dec. I. Ann. II. Obs. 52.* descriptum, cuius vsum crebrior experientia confirmavit, prae aliis magis convenire videtur. Sumuntur nempe partes aequales Musci terrestris repentis & radice Bryon. in pulverem redactae, & cum adipis erinacei sufficienti quantitate in vitro bene obturato in B. M. per horam decoquantur, talique vnguento dein radices capillitii in capite complicati & loca affecta, maxime articuli dolentes, bis de die inunguntur. Quodsi autem correctius tale remedium desideratur, tunc sequens in vsum trahi potest: Rec. Vngu. enulat. c. mercur. vnc. j. Pulveris Lycopod. rad. Bryon. ana drachm. j. & dimid. olei Tart. per del. drachm. j. M. F. l. a. Vnguentum. Non vero singulis diebus in vsum talia sunt vocanda, aut toti capiti adplicanda, sufficit, si bis in septimana & tantummodo radicibus Plicae illinatur.

§. XIX.

Praeter iam laudata vero remedia nihil praestantius creditur, quam *Muscus terrestris clavatus*, siue *Lycopodium*, quod Poloni *Cingulariam* & *Plicariam* vocant. Siquidem Rutheni potissimum ac Lithuani plantam hanc pro eximio specifico in hoc morbo habent. Crescit illa copiose in Polonia & ad 7. 8. immo 10. vlnas extenditur, prout *Martin. Bernb.* a BERNIZ loco supra cit. refert. Paratur exinde decoctum, dum plantam istam, cul-





tello aliquo sursum versus dissectam, decocto Brancae ursinae, prius optime calefacto, infundunt, adiciendo dein, post unam vel alteram lenissimam ebullitionem, paucillum fermenti panis filiginei, illudque dein prope fornacem ad fermentandum reponendo. Hoc decocto non tantum interne utuntur Plica laborantes, & quidem vel sibi relicto, vel cum ovis recentibus in forma iusculi, sed & externe illud adhibent, & caput eodem calefacto lauant, ac tunc denuo recentem plantam, itemque Saluiam atque Rosmarinum addunt, quae liquoris colorem obscure rubrum conciliant.

*SCHOLIUM.*

Constat haec planta ex copiosis principiis sulphureis subtilioribus, cum paucis gummoso-resinosis, & tenerioribus terreis, coniunctis. Vid. illustris atque excellentissimi BÜCHNERI, Praeceptoris mei ad tumbam usque deveniendi, *Fundamenta Materiae medicae*, p. 454. Patet ergo exinde, quod haec planta, in aqua decocta, ob principium sulphureum demulcentem leniterque anodynam virtutem exferat, ac insimul ab aqua calida humores sub cute stagnantes acres diluantur, & vascula constricta relaxentur, unde dein affluxus a tergo durans, ob resistantiam immutatam, augetur, haecque ratione maior excretio materiae viscidae acris, & maius pilorum incrementum, tandemque, non addibito pectine, intricatio pilorum sequitur, cum manifesta symptomatum praegressorum remissione.

§. XX.

*Diacram* quod attinet, illa ex supra dictis repeti



peti potest. Inprimis vero cane & angue peius vitari debet aër crassus, frigidus, nebulosus, quia humores magis inspissat & coagulat. Cibus sit tenuis, non acidus, sed alcalinae indolis. Quia vero malum hoc etiam aquis impuris atque limosis in Polonia ortum suum debet, hinc puriores pro potu seligendae sunt, euitando simul pessimum illum spirituosorum abufum. Motus sit moderatus; animi pathemata grauiora, inprimis autem moeror & terror, sedulo euitentur, & liberioris transpirationis successus quouis modo conferuetur & promoueat; sic enim, fauente diuina gratia, & curationem, & praeseruationem mali huius perquam molesti promittere & sperare licebit.

TANTVM.



ORIV



CLARISSIMO ATQVE DOCTISSIMO  
DOMINO  
**ABRAHAMO MEYERO,**  
SVMMORVM IN MEDICINA HONORVM  
CANDIDATO DIGNISSIMO,  
S. P. D.  
**FRIDERICVS SIEGMVND GRASS,**  
VRAT. SILES.  
MED. CAND.

**P**ergratum mihi, gratulationem TIBI conscribendi, esse laborem fateor, quem imprimis eo lubentius in me suscepi, dum TVAM in arte medica dexteritatem & indefessum fervorem satis iamiam probatum habui. Minime itaque pluribus verbis opus est, quibus laudes TIBI debitas & optime meritas describerem & augerem, dum certe omnes, qui TE norunt, dexteritatem TVAM non modo cognitam exploratamque comprehendunt, sed etiam mecum, TE praemia Doctoralia promeruisse, contendunt. His tandem praemissis votum ulterioris prosperitatis adiungam, ut omnia TIBI & in posterum bene feliciterque succedant, & quamvis non praesenti, futuris tamen temporibus maximis fortunis ornatus incedere, & bene beateque vivere queas. Quod vero me attinet, TIBI, Candidate doctissime, hoc eruditionis TVAE specimen gratulor; gratulor quoque TIBI honores in Medicina summos Doctorales mox impetrandos, quos tanquam fructus TVA diligentia collectos & promeritos accipis. Nil vero nunc superest, quam ut mihi expetam, ne nominis mei memoriam oblivionis tradas iniuriis, quin potius me absentem memoriae commendatum habeas, optoque, velit summus omnium rerum moderator TE diu in reipublicae commodum, in gaudium TVORVM, in solatiun tandem aegrotantium sartum tectumque servare. Vale. Dabam

Halae d. XII. August.  
MDCCLVIII.

VIRO



V I R O  
PRAENOBILISSIMO, CLARISSIMO, DOCTISSIMO  
DN. ABRAHAMO MEYR,

SYNDEMORVM IN MEDICINA HONORVM  
CANDIDATO DIGNISSIMO, AMICO SVO  
AESTVMATISSIMO,

S. P. D.  
IO. GEORGIVS GODOFREDVS FVNCKE,

MED. STVD.

**E**t familiaritatis amicitiaeque leges, & obseruantiae officia a me postulant, vt TE, Amice aestumatissime, summos in Medicina honores pro meritis ambientem, non sine publico quodam amoris mei deditissimeque animi testimonio dimittam. Tantum enim semper cepi voluptatis atque delectamenti ex suauissimo TVO consortio atque colloquio, ex quo tempore iucundissima illa mihi contigit occasio, animum TVVM in addiscendis solidis Medicinae principiis plane indefessum, in amicitia vero haud fucatum noscendi; vt suauissima TVA consociatione vti, Tuosque in arte salutari acquisitos egregios plane profectus admirari, pergratum mihi semper, immo gratissimum fuerit. Ipsum quoque praesens haud mediocri eruditione a TE elaboratum specimen inaugurate iam satis superque testatur digna eruditionis TVAE praemia. Sed pluribus adhuc aliis iure hic excurrere possem in TVAS laudes, nisi quidem id vetaret TVA modestia. Missis autem his ad vota me iam conuerto. Gratulor itaque TIBI, Candidate praestantissime, ex animo de summis illis in Medicina honoribus breui TIBI ex merito conferendis. Gratulor Patriae TVAE de Medico vtilissimis scientiis imbuto. Gratulor aegrotis TVA ope felicissime vforis. Quod reliquum est, adspiret supremum Numen conatibus TTIS quibuscunque clementissime. Secundet diuina sua benedictione quaevis TVA, quae aggredieris, conamina. Vt TIBI adeoque quaeuis ex voto succedant, vtque amicitia TVA iucundissima etiam absentem me dignari velis, est, quod enixe precor, rogo atque obtestor. Vale, resque TVAS feliciter age. Dab. Halae Magdeburgicae,  
die XII. Aug. Ann. MDCCLVIII.



AMICO SVO AESTVMATISSIMO  
**ABRAHAMO MEYR**  
 S. P. D  
**LAZARVS SALOMON KOREFF**  
 MED. STVD.

**N**on quidem ignoro praeclaram ingenii TVI vim & impetum, cumque virilem, quocum in politioris humanitatis literas, praecipue vero in medicam incubuisti scientiam. Nolo itaque in laudes TVAS figius excurrere, sed solam, ob honores summos doctorales in arte hac medica à Te breui acquirendos, gratulationem publice TIBI communicare. Gratulor itaque TIBI ex intimo animi affectu, novos honores ex praxi TVA sequenti TE haurire. Gratulor patriae TVAE de nouo aestumatissimoque ornamento. Gratulor infirmis TVVM auxilium expectantibus, de Medico doctissimo. Seruet Deus M. TE per longam annorum seriem felicissimum. Nihil itaque superesse video, quam ut TE rogatum habeam, velis me in posterum eadem humanitate amare, quod de mea parte itidem TIBI spondeo. Vale. Dabam Halae Magdeburgicae d. XII. Aug.

MDCCLVIII.

הלום באתי. ושלום באמרתיו  
 לכן ברחי: אשר אהבתו ואליו  
 פניתי: כי ראיתי: רב יגיעותיו:  
 וחשקו בחכמותיו ימיו ולילותיו ער  
 במחשבותיו: קנה הקירותיו: שלם  
 במדותיו: הוא אברתם ועלה ויפרח:  
 וכא השמש אורו וזרח: שמו יעלה  
 מים זמורח: שכרו אתו פעולתו  
 ותגבר יריע אף יצריח: ויהי לעד  
 אש מצליח: מני אברתם חכה  
 מהלב ששטם:

die XII. Aug. 1758



in med. Teil,

5. 1758.

Halle, Med. Diss., 1758




Reise











14

NAVGVRALIS MEDICA  
SISTENS  
AC THERAPIAM  
POLONICAE

QVAM  
MINIS AVSPICIIS,  
ET AVCTORITATE  
ACVLTATIS MEDICAE  
REGIA FRIDERICIANA,  
MINIS LOCO,  
V DOCTORIS

INA HONORIBVS ET PRIVILEGIIS  
S RITE IMPETRANDIS,  
VGVST. MDCCLVIII.  
CENSVRAE EXHIBVIT

VCTOR  
HAM MEYR  
VO-BRODENSIS,  
E IVD A EVS.

MAGDEBVRGICAE,  
PHIA VESTERIANA.

